



“O‘zbekiston – 2030” strategiyasi: maqsad va vazifalar

Sottiyeva Go‘zal Hasan qizi

Muhammad-al Xorazmiy nomidagi Toshkent

Axborot Texnologiyalari Universiteti talabasi

E-mail: gozalsottiyeva2003@gmail.com

Usmanaliyeva Sitora Ikromjon qizi

Muhammad-al Xorazmiy nomidagi Toshkent

Axborot Texnologiyalari Universiteti talabasi

E-mail: sitorausmonaliyeva04@gmail.com

Annotatsiya: O‘zbekiston, 2030-yilgacha inson salohiyatini oshirishga yo‘l ochgan ahamiyatli bir yo‘llanmaning ustuvor bir tarixi bo‘yicha, mamlakatning qiziq va birgalikda ishtirok etish va ularni amalga oshirishga qaratilgan kuchli harakatchilarini ajratadi. Mazkur maqolada “O‘zbekiston – 2030” strategiyasini amalga oshirishdagi islohotlar tendensiyasi Birlashgan Millatlar Tashkilotining Barqaror Rivojlanish Maqsadlari nuqtai nazaridan tahlil etilgan.

Kalit so‘zlar: barqaror rivojlanish, strategiya, hujjat, loyiha, inklyuziv, investitsiyalar.

O‘zbekiston Respublikasi Prezidentining 2023-yil 11-sentyabrdagi PF-158-son farmoniga muvofiq “O‘zbekiston — 2030” strategiyasi tasdiqlandi. Mazkur hujjat kelgusi 7-yilda O‘zbekistonning asosiy rivojlanish yo‘nalishlarini belgilab beruvchi muhim hujjat hisoblanib, 5 ta ustuvor yo‘nalish doirasida 100 ta maqsadga erishishga qaratilgan. Uning maqsadlari va samaradorlik ko‘rsatkichlari aholi tomonidan oson qabul qilinib, tushunish uchun qulay shaklda bayon etilgan.



“O‘zbekiston - 2030” strategiyasi mamlakatning barqaror va inklyuziv rivojlanishini ta’minlash maqsadida ishlab chiqilgan va O‘zbekistonning uzoq muddatli rivojlanish yo‘nalishlarini belgilaydi. Unda turli sohalardagi islohotlar, iqtisodiy o‘shish, ta’lim, tibbiyot va ijtimoiy himoya tizimlarining takomillashtirilishi, ekologik barqarorlikni ta’minlash va davlat boshqaruvini zamonaviylashtirish kabi maqsadlar ko‘zda tutilgan.

Yangi O‘zbekiston taraqqiyot strategiyasini amalga oshirish jarayonida orttirilgan tajriba va jamoatchilik muhokamasi natijalari asosida ishlab chiqilgan “O‘zbekiston — 2030” strategiyasi o‘zida quyidagi asosiy g‘oyalarni aks ettirgan:

- barqaror iqtisodiy o‘shish orqali daromadi o‘rtachadan yuqori bo‘lgan davlatlar qatoridan o‘rin olish;
- aholi talablariga va xalqaro standartlarga to‘liq javob beradigan ta’lim, tibbiyot va ijtimoiy himoya tizimini tashkil qilish;
- aholi uchun qulay ekologik sharoitlarni yaratish;
- xalq xizmatidagi adolatli va zamonaviy davlatni barpo etish;
- mamlakatning suvereniteti va xavfsizligini kafolatli ta’minlash.

“O‘zbekiston – 2030” strategiyasi quyidagi 5 ta ustuvor yo‘nalishdan iborat:

- har bir insonga o‘z salohiyatini ro‘yobga chiqarish uchun munosib sharoitlar yaratish;
- barqaror iqtisodiy o‘shish orqali aholi farovonligini ta’minlash;
- suv resurslarini tejash va atrof-muhitni muhofaza qilish;
- qonun ustuvorligini ta’minlash, xalq xizmatidagi davlat boshqaruvini tashkil etish;
- “xavfsiz va tinchliksevar davlat” tamoyiliga asoslangan siyosatni izchil davom ettirish.

O‘z navbatida, davlatimiz rahbari tomonidan qabul qilingan “O‘zbekiston – 2030” strategiyasini 2023 yilda sifatli va o‘z vaqtida amalga oshirish chora-tadbirlari to‘g‘risida”gi qaror ushbu hujjatning “Insonga e’tibor va sifatli ta’lim yili”da sifatli va o‘z vaqtida amalga oshirilishini ta’minlashga qaratilgan. Strategiyada belgilangan yo‘nalishlarning barchasida aholi, ya’ni xalq va mamlakat manfaatlari birinchi o‘ringa qo‘yildi.

BMTning Barqaror rivojlanish maqsadlari bo‘yicha reytingga asosan O‘zbekiston 2023-yilda 166 ta mamlakat orasida 69-o‘rinni egalladi va mamlakatimiz 2022-yil bilan



taqqoslaganda o‘z o‘rnini sakkiz pozitsiyaga ko‘tardi. Statistika agentligi tomonidan taqdim etilgan ma‘lumotlarga ko‘ra, 2023 yilda amalga oshirilgan “SDG index” hisobotiga ko‘ra O‘zbekiston Respublikasida Barqaror rivojlanishning 10 ta maqsadlari borasidagi indikatorlarda ijobiy tendensiyalar amalga oshirilgan. O‘z o‘rnida, BMTning Barqaror rivojlanish maqsadlariga hamohang bo‘lgan “O‘zbekiston – 2030” strategiyasiga muvofiq hayotga tatbiq qilinayotgan islohotlarga to‘liq qonunchilik hujjatlari mamlakatimiz har tomonlama kamol topishiga xizmat qilmoqda.

Jumladan, Strategiyaning IV bobi “Qonun ustuvorligini ta‘minlash, xalq xizmatidagi davlat boshqaruvini tashkil etish” yo‘nalishiga bag‘ishlandi. Mazkur yo‘nalish bo‘yicha 16 ta maqsad (74-89-maqsadlar) doirasida 51 ta amaliy chora-tadbir va 21 ta vazifani o‘zida qamraydi. Bunda mahalla, mahalliy davlat organlari, vakillik organlari, davlat xizmati, fuqarolik jamiyati institutlari, sud-huquq, inson huquqlari, advokatura, korrupsiya masalalariga oid 41 ta maqsadli ko‘rsatkichni ishlab chiqish va 25 ta normativ-huquqiy hujjat loyihalarini tayyorlash nazarda tutilgan. Xususan, “Xalq xizmatidagi davlat boshqaruvini tashkil etish va jamoatchilik boshqaruvini takomillashtirish bo‘yicha islohotlar” hamda “Qonun ustuvorligini ta‘minlash va sud-huquq tizimidagi islohotlar” kabi bandlarda bir qator vazifalar belgilandi:

- Elektron shaklda ko‘rsatiladigan davlat xizmatlari ulushini 100 foizgacha yetkazish;
- “Elektron hukumat” tizimining yangi bosqichi – “Raqamli hukumat” tizimiga o‘tilib, barcha hujjatlar va munosabatlarning raqamli shaklda bo‘lishini ta‘minlash;
- Fuqarolarning davlat xizmatlaridan foydalanishi uchun murojaat qilishida ariza yozish, turli shakllarni to‘ldirish kabi ortiqcha formal tartiblarni bekor qilish, davlat idoralari zarur hujjatlarni elektron bazadan o‘zi oladigan tizim yaratish.

Xulosa qilib aytganda, “O‘zbekiston – 2030” strategiyasi nafaqat yurtimizning kelgusi yetti yillik taraqqiyotini, balki uning uzoq yillik rivojlanish strategiyasini belgilab beruvchi muhim hujjatdir. Unda belgilangan maqsadlarning ijrosi o‘z vaqtida ta‘minlanishi esa davlat va jamiyatning har tomonlama jadal rivojlanishida muhim omil bo‘lib xizmat qilishi shubhasiz.



Foydalanilgan adabiyotlar ro'yxati:

1. Кизи Г. У. К., Умирович А. О., Анваровна А. С. (2023). Взгляды мыслителей на вопросы семьи и семейных отношений. Горизонт: Журнал человечества и искусственного интеллекта, 2 (5), 508-511. Получено с <http://univerpubl.com/index.php/horizon/article/view/1599>
2. Анваровна, А. С. (2023). Конструкции (модели) социального интеллекта у будущих учителей английского языка. Горизонт: Журнал человечества и искусственного интеллекта, 2(4), 169–172. Получено с <http://univerpubl.com/index.php/horizon/article/view/1174>
3. S. A. Qanoatovich, “O‘zbekiston - 2030” strategiyasini amalga oshirish yo‘nalishlari va istiqbollari - yoshlar nigohida, pp. 3-7, 2024.
4. Умирович А. О., Анваровна А. С. (2023). Взгляды мыслителей на вопросы семьи и семейных отношений. Горизонт: Журнал человечества и искусственного интеллекта, 2 (5), 508-511.
5. https://strategy.uz/index.php?static=strategy_actions&lang=uz.
6. <https://uzbekistan2030.uz/uz-Latn/decree/1>.
7. https://uza.uz/oz/posts/ozbekiston-2030-strategiyasi-maqsad-va-vazifalar_532507